



case no. 2016 - 6885  
doc. no. 15425621  
20-11-2020  
PO Box 930  
3900 Nuuk  
phone (+299) 34 68 00  
E-mail: asn@nanoq.gl  
www.govmin.gl

E-mailikkut uunga nassiussaq: [inatsisartut@inatsisartut.gl](mailto:inatsisartut@inatsisartut.gl), [juul@ina.alla.gl](mailto:juul@ina.alla.gl)

## UKA2019/25 (ilinniartunut inatsit)

### Inuussutissarsiornermut Aatsitassanullu Ataatsimiititaliamut

Inatsisissatut siunnersuutip aappassaaneernerani ataatsimiititaliaq iluarinnilluartumik suliaqarsimaneranut qutsavigissavara.

Inuusuttunut tamatuminnga eqqorneqartussanut, aammalu inuiaqatigiinnut tamarmiusumut akuuffigisatsinnut pingaartuusutut inatsisip inaarutaasumik akuersissutiginnissaanut tamanna neriuartortaliivoq.

Aningaasanut taakkununga aningaasanut inatsimmi immikkoortinneqartussatut naatsorsuutigineqartunut naleqqiullugu aningaasaqarnertaata sunik nassataqarnissaa pillugu erseqqinnerusumik nassuiaasoqassasoq ataatsimiititaliaq pingajussaaneernissaanut isumaliutissiisummini qinnuiginnissimavoq.

2021-mut aningaasanut inatsisissatut siunnersuummi siunnersuutip piviusunngortinnissaanut ilanngaateqareerluni aningaasartuutit piffissamut 2021-2025-mut assigiiartumik agguataarneqartussanngorlugit katillugit 45,05 mio. kr.-ussanerat, tamatumalu kingornatigut ikiliartuaassanerat nalilerneqarput.

Aningaasaliissutit konto pingaarneq 20.11.70 "Pilersitanut nutaanut sillimmatit"-ni immikkoortinneqarput, taakku ilaatigut makku matussuserneqarnissaanut atorneqassallutik: inatsisip atuutsilernerani ilanngaateqarfigeriikkatut aningaasartuutit, angerlarsimaffimmit atuarfimmut, atuarfimmit ilinniarfimmut angalanermut

anigaasartuutit, sulisitsisunut ilinniartunut sungiusartunullu tapiissutit annertunerit, aammalu ilinniagaqarfimmi annertunerusumik suliaqarnissap naatsorsuutigisap nassatarisaanik malitsigisatut ilassutitut anigaasartuutit.

Inatsissatullu siunnersuutip akuersissutigineratigut inuiaqatigiinnut suliffeqarfinnullu nutaatut pilerseqqitatut isertitat pilersinneqassasut naatsorsuutigineqarput, iluseralugit inuusuttut amerlanerit ilinniarfissamik imaluunniit sungiusarfissamik pissarsinerini ikiorsiissutitut isertitaanni sipaarutigisat, aammalu ilinniartut suliaqarnerannut akiligassiissutigisakkut suliffeqarfinnut isertitat annertusinerat. Ilinniartunik sungiusartunillu atorfeqartitsinerminnut suliffeqarfinnut ataatsimut isigalugu anigaasaqarnikkut iluanaaruteqartoqassasoq qularutissaanngilaq.

Kiisalu inatsisip akuersissutiginerata kingunitsiannguatigut toqqammavissatut inatsisip eqqunneqarnerani malittarisassianik annertunerusumik suliaqartoqarnissaata sianigeqqussanera uannut pingaaruteqarpoq. Pissutsinut arlalinnut tunngasunik nalunaarutinik arlalinnik atuutsitsisoqassaaq, ilanngullugit inatsisip siuarsarfiunerata killiffigisaanik suliffeqarfiit pisortaqaarfiillu ukiumoortumik nalunaaruteqartarnissaasa qanoq pissarnissaa.

Malittarisassianik suliaqarnermi tassani suliffeqarfimmi illua'tungerisat ilanngunneqarlutillu tusarniaavigineqassapput. Naalakkersuisoqarfiup tungaanit aallaavigisassaq tassaassaaq allaffissorfimmi nammatassat sapinngisamik oqilisartinnissaat, aammalu periarfissaqarfiatigut paasissutissat ataatsimut ingerlatittarnissaat. Illua'tungaaticullu allannguutissatut siunnersuutikkut suliffeqarfinnut pisortaqaarfinnullu inatsimmi aalajangersakkanik malittarinninnissaminnut artorsaateqartunut iliuseqarnissamut pisarialittut inatsisitigut toqqammavigisassaq isumannaarsimavarput.

Inussiarnersumik inuulluaqqusillunga  
Med venlig hilsen  
Best Regards



Jess Svane